

riendendo, uel in administrando seu obediendo, & administrantibus fauendo, seu contra interdictum superius eligendo, uel calumniose allegando metum, etiam ultra prædictas poenas, cuiuscunque status, gradus aut præminentie existant ecclesiasticæ uel mundanæ, sic puniat, ut iudicet rigor luceat cæteris in exemplum. Ut autem metus seu impressiois molestia in electione papæ eo formidolosus euitetur, quo toti Christianitati lamētabilis eorum incussio seu factio perpetratur, ultra prædicta duximus specialiter statuendum, quòd si quis huiusmodi metum uel impressionem aut uolentiam electoribus ipsis aut alicui ipsorum in electione papæ intulerit, seu fecerit, aut fieri procurauerit, uel factum ratum habuerit, aut in hoc consilium dederit uel fauorem, facientes scienter recepraerit, uel defensauerit, aut negligens in executione poenatum inferius nominatarum extiterit, cuiuscunque status, gradus aut præminentie fuerit, etiam si Imperiali, regali, pontificali uel alia quauis ecclesiastica aut seculari præfulgeat dignitate, illas poenas ipso facto incurrat, quæ in constitutione felicis recordationis Bonifacii papæ octauis, quæ incipit, felicis, continentur, illisq; effectualiter puniatur. Ciuitas uero (quod absit) etiam si urbs Romana fuerit, seu alia quauis uniuersitas, quæ talia facienti auxilium uel consilium dederit aut fauorem, uel infra mensem saltem taliter delinquentem (prout tanri facinoris enormitas exegerit, & facultas ei affuerit) non duxerit puniendum, eo ipso ecclesiastico subiacet interdicto. Et nihilominus præter dictam urbem pontificali uel supra sit dignitate priuatus, non obstantibus priuilegijs quibuscunque. Volumus in super, quòd in fine cuiuslibet generalis concilij hoc decretum sollemniter publicetur, necnon quancumque & ubicunque Romani pontificis electio imminerebit facienda, ante ingressum conclusis legatur, & publice intimetur.

¶ Forma de professione papæ facienda.

Quanto Romanus pontifex eminentiori inter mortales fungitur potestate, tanto clarioribus ipsum decet fulciri fidei uinculis, & sacramentorum ecclesiasticorum obseruandis ritibus alligari. Ea propter ut in futurum Romanis pontificibus in sua creationis primordijs & singulari splendore luceat plena fides, statuimus & ordinamus, quòd deinceps quilibet in Romanum pontificem eligendus, antequam sua electio publicetur, coram suis electoribus publice confessionem & professionem faciat infra scriptas.

In nomine sanctæ & indiuiduæ trinitatis, patris & filij & spiritus sancti, Amen. Anno à natiuitate domini millesimo & c. ego N. electus in papam, omnipotenti deo cuius ecclesiam suo presidio regendam suscipio, & beato Petro apostolorum principii corde & ore profiteor, quam diu in hac fragili uita cõstiturus fuero, me firmiter credere & tenere sanctam fidem catholicam, secundum traditiones apostolorum generalium conciliorum, & aliorum sanctorum patrum, maxime autem sanctorum octo conciliorum uniuersalium, uidelicet primi Niceni, secundi Constantinopolitani, tertij Ephesini, quarti Calcedonensis, quinti & sexti Constantinopolitanorum, septimi item Niceni, octauis quoque Constantinopolitani, necnon Lateranensis, Lugdunensis & Viennensis generalium etiam conciliorum. Et illam fidem usque ad adunum apicem immutatam seruare, & usque ad animam & sanguinem constanter, defendere, & prædicare, ritum quoque pariter sacramentorum ecclesiasticorum catholicæ ecclesie traditum, omnimode prosequi & obseruare. Hanc autem professionem & confessionem meam per notarium scriuariam sanctæ Romanæ ecclesie me tubente scriptam, propria manu subscripsi, & tibi omnipotenti deo pure & deuota conscientia super tali altari & c. synceriter offero in præsentia talium & c. Datum & c.

¶ Ne prælati transferantur inuiti.

Cum